



Broj: 13/1-33-28408-1/24

Tuzla, 17.12.2024. godine

Komora magistara farmacije Federacije BiH

Komora magistara farmacije TK ✓

Predmet: Odgovor, dostavlja se

Poštovani,

Ministarstvo zdravstva je zaprimilo dopise Komora koji se tiču povećanje naknade za usluge izdavanje lijekova na recept.

Obzirom da se radi o stavci koja se tiče izdvajanja dodatnih finansijskih sredstava, zatraženo je izjašnjenje Zavoda zdravstvenog osiguranja TK. Stav Zavoda zdravstvenog osiguranja dostavljamo u prilogu.

Ministarstvo zdravstva TK smatra da je farmaceutske sektor neizostavni dio zdravstvene zaštite. Iz tog razloga kontinuirano, kroz planske aktivnosti, radi na unapređenju ovog dijela zdravstvene zaštite, u saradnji sa Zavodom zdravstvenog osiguranja TK. Pored informatizacije, koja je ogroman korak ka unapređenju usluga prema pacijentima, te veliko olažanje magistrima farmacije u radu, Ministarstvo redovno ažurira i unapređuje liste lijekova na području kantona. Kroz planske dokumente iz godine u godinu se povećavaju iznosi za sredstva za naknadu na recept. Ukoliko se pogleda godišnje izdvajanje sredstava za naknadu za farmaceutske usluge, ono izgleda hronološki:

Godina	2018	2019	2020	2021	2022	2023	2024	2025 plan
Recepti	2.555.723	2.620.133	2.588.449	2.701.221	2.937.014	3.755.715	4.017.371	4.466.666
Iznos naknade	2.555.723	2.620.133	3.882.673	4.051.831	4.405.521	5.633.572	6.270.200	6.700.000
Godišnji rast sredstava		0,25 %	48,18 %	4,35 %	8,73 %	27,87 %	11,30 %	6,85 %

Dakle, konstantno se radi na povećanju izdvojenih sredstava za farmaceutske usluge. Ukoliko se pogleda kompletan prethodni period iz tabele, apsolutno godišnje povećanje izdvajanja za farmaceutske usluge je 4.144.277 KM, a procentualno je to godišnje u 2025. godini u odnosu na 2018. godinu, uvećanje za 162 %.

U 2025. godini za lijekove sa liste lijekova je planiran povećan iznos na godišnji nivo do 55 miliona KM, što je u odnosu na period od pet zadnjih godina znatno povećano izdvajanje sredstava za ovaj vid zdravstvenih usluga.

Sve navedene stavke govore da Ministarstvo, Vlada i Zavod itekako imaju u vidu unapređenja ovog segmenta zdravstvene zaštite, a ove činjenice idu u prilog omogućavanju boljih uslova rada magistara farmacije, kao i poslodavcima za omogućavanje boljih uslova rada za magistre farmacije.

Ministarstvo zdravstva TK, zajedno sa Vladom i Zavodom će uvijek težiti ka unapređenju farmaceutskog sektora, u realnim mogućnostima prema fiskalnim procjenama nadležnih organa.

Pored svih povećanja i izdvajanja u prethodnim godinama, u planu za 2025. godinu iznašla se mogućnost za povećanje ukupnog iznosa za farmaceutske usluge, ali nažalost, prema raspoloživim sredstvima i fiskalnim procjenama, nije bilo moguće podići cijenu pojedinačne farmaceutske usluge na 3,00 KM.

S poštovanjem,

Dostavljeno:
1x naslovu
1x a/a



MINISTAR
[Signature]
Prim. dr. Dušanka Bećirović



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 01-33-11-1211-3/24 – EK/EN
Tuzla, 28.10.2024. godine

MINISTARSTVO ZDRAVSTVA
TUZLANSKOG KANTONA
Ul. Rudarska broj 72
75 000 Tuzla
n/r Ministrice zdravstva

PREDMET: Stav, daje se;
Veza Vaš akt broj: 13/1-33-28408/24 od 21.10.2024. godine

Poštovana,

Vašim aktom broj i datum iz veze, tražili ste izjašnjenje po zahtjevima Federalne komore magistara farmacije.

Pružanje farmaceutske usluge izdavanja lijekova sa Pozitivne liste lijekova Tuzlanskog kantona i lijekova koji se finansiraju po posebnim programima se vrši putem ugovora između apoteka i Zavoda zdravstvenog osiguranja Tuzlanskog kantona (u daljem tekstu: Zavod) po cijeni koju su apoteke prihvatile, a koja je utvrđena odlukom Upravnog odbora Zavoda i stavom Ministarstva zdravstva Tuzlanskog kantona.

U toku 2022. godine je implementiran integrisani zdravstveni informacioni sistem (IZIS) kojim je izvršena digitalizacija procesa u zdravstvenom sistemu Tuzlanskog kantona, što uključuje i izdavanje lijekova sa Pozitivne liste lijekova Tuzlanskog kantona. Propisivanje i izdavanje lijekova putem softverskih rješenja e-doktor i e-apoteka su olakšani, pojednostavljeni i ubrzani, što je uz uvezan sistem fakturisanja značajno uticalo na pružanje farmaceutske usluge. Navedeni proces je doveo i do značajnog povećanja broja realizovanih recepata za lijekove sa Pozitivne liste lijekova Tuzlanskog kantona odnosno pruženih farmaceutske usluge, što se vidi iz sljedećih podataka:

Godina	2018	2019	2020	2021	2022	2023	IX 2024	IX 2024 procjena
Realizovani recepti	2.555.723	2.620.133	2.588.449	2.701.221	2.937.014	3.755.715	3.013.028	4.017.371

Realizacija recepata putem IZIS-a je počela u drugoj polovini 2022. godine i odmah je dovela do rasta izdatih recepata. U 2023. godini se svi recepti realizuju putem IZIS-a, te procjena realizacije pokazuje rast izdatih recepata, odnosno farmaceutske usluge, za oko 36% u odnosu na 2021. godinu kada se radilo po starom sistemu.

Opisani proces je doveo do jednostavnijeg pružanja farmaceutske usluge uz povećanje broja istih što rezultira manjim obimom posla uz veći finansijski efekat za ugovorne apoteke.

U skladu sa važećim propisima, Zavod svake godine prikuplja podatke od zdravstvenih ustanova i izrađuje Obračun sredstava u zdravstvu na području Tuzlanskog kantona, koji sadrži podatke o ostvarenim i utrošenim sredstvima u obaveznom i izvan obaveznog zdravstvenog osiguranja. Prema izvršenoj analizi kumulativno ostvarena dobit apoteka na području Tuzlanskog kantona (javne i privatne) se povećava iz godine u godinu, što je prikazano u sljedećem pregledu:

Godina	2018	2019	2020	2021	2022	2023
Ostvarena dobit	10.112.400	10.424.582	12.488.394	14.099.778	15.349.274	16.348.270
Indeks – lančani		103,09	119,8	112,9	108,86	106,51

Navedeni podaci potvrđuju pozitivan trend poslovanja apotekarskih ustanova, što je posebno uočljivo u 2020. godini za vrijeme pandemije, ali i godinama koje su uslijedile u kojima je uticaj imalo povećanje naknade za apotekarsku djelatnost kao i prelaz na poslovanje putem IZIS-a. Analogno procjenama za enorman rast izdatih recepata u toku 2024. godine, može se očekivati i dalji značajan rast ostvarene dobiti.

Planski dokumenti Zavoda za 2025. godinu su izrađeni i usvojeni od strane Upravnog odbora Zavoda, a istim su planirani rashodi za farmaceutske usluge u iznosu od 6.270.000 KM na osnovu cijene farmaceutske usluge 1,50 KM sa PDV-om, u skladu sa stavom Ministarstva zdravstva za izradu planskih dokumenata broj: 13/1-33-017680/24 od 07.08.2024.godine.

U skladu sa navedenim ne smatramo opravdanim zahtjeve Federalne komore magistara farmacije.

S poštovanjem!

Dostavljeno:

1. Naslovu
2. a/a


DIREKTOR
Doc.dr.sc. Denis Husić, dipl. pravnik